



სსიპ ილიას სახელმწიფო უნივერსიტეტი

ბრძანება № 02-426



ქ. თბილისი

20.03.2015

ილიას სახელმწიფო უნივერსიტეტში ბიზნესის სკოლაში ბიზნესის ადმინისტრირების მიმართულებით ასოცირებული პროფესორის აკადემიურ თანამდებობაზე კონკურსის გამოცხადების შესახებ

„უმაღლესი განათლების შესახებ“ საქართველოს კანონის 22-ე მუხლის 1-ლი პუნქტის, კანონის 35-ე მუხლის, საქართველოს განათლებისა და მეცნიერების მინისტრის 2013 წლის 11 სექტემბრის N134/ნ ბრძანებით დამტკიცებული საჯარო სამართლის იურიდიული პირის ილიას სახელმწიფო უნივერსიტეტის წესდების მე-18 მუხლის 1-ლი და მე-6 პუნქტების, 31-ე, 32-ე მუხლების და 33-ე მუხლის მე-4 პუნქტის საფუძველზე, 2013 წლის 25 სექტემბრის წარმომადგენლობითი საბჭოს მე-13 სხდომაზე დამტკიცებული „ილიას სახელმწიფო უნივერსიტეტში აკადემიურ თანამდებობებზე კონკურსის ჩატარების წესის და აკადემიურ თანამდებობებზე დასაქმების პირობების“ საფუძველზე, ბიზნესის სკოლის დეკანის მ. ბატიაშვილის 2015 წლის 11 მარტის N02-2564/15 სამსახურებრივი ბარათის, ბიზნესის სკოლის 2015 წლის 24 თებერვლის N75 სხდომის ოქმის საფუძველზე, აკადემიური საბჭოს 2015 წლის 19 მარტის N4 ოქმის საფუძველზე

ვ ბ რ ძ ა ნ ე ბ

1. 2015 წლის 23 მარტიდან გამოცხადდეს ღია კონკურსი ილიას სახელმწიფო უნივერსიტეტის ბიზნესის სკოლაში ბიზნესის ადმინისტრირების მიმართულებით ასოცირებული პროფესორის 1 საშტატო ერთეულზე.
2. კონკურსი უნდა შეესაბამებოდეს გამჭვირვალობის, თანასწორობისა და სამართლიანი კონკურენციის პრინციპებს;
3. კონკურსში მონაწილეობის მისაღებად კანდიდატმა უნდა წარმოადგინოს:
 - ა) უნივერსიტეტის მიერ შემუშავებული ანკეტა (შევსებული);
 - ბ) პირადობის მოწმობის ასლი;
 - გ) ოთხი ფოტოსურათი 3X4;
 - დ) სამეცნიერო-პედაგოგიური საქმიანობის დამადასტურებელი ცნობა;

ე) უმაღლესი განათლების დამადასტურებელი დოკუმენტი;

ვ) ერთი ნაშრომი, ან სამუშაოს აღწერა, რომელიც კანდიდატის აზრით საუკეთესოდ წარმოაჩენს მის შესაბამის გამოცდილებას;

ზ) ერთი საგნის სილაბუსი ბიზნესის ადმინისტრირების მიმართულებით;

4. კონკურსში მონაწილე კანდიდატთა პირადი მონაცემების შეფასება მოხდება უფლებამოსილი ორგანოს აკადემიური საბჭოს მიერ. გადაწყვეტილების მიღებისას მხედველობაში მიღებულ უნდა იქნას შემდეგი ძირითადი კრიტერიუმები:

ა) პუბლიკაციები და კვლევები;

ბ) პედაგოგიური მუშაობის არანაკლებ 3 წლიანი გამოცდილება (ტრეინინგები, სემინარები, სალექციო კურსები);

გ) ბოლო ხუთი წლის განმავლობაში საერთაშორისო ტრეინინგებში, კონფერენციებსა და სემინარებში მონაწილეობა;

დ) 5 წლიანი პრაქტიკული გამოცდილება საკონსულტაციო სფეროში;

ე) ადმინისტრაციულ სფეროში მუშაობის გამოცდილება (სასურველი).

5. საკონკურსო განცხადებების მიღება იწარმოებს ილიას სახელმწიფო უნივერსიტეტის კანცელარიაში, მის: ჩოლოყაშვილის გამზ. 3/5, 2015 წლის 24 აპრილიდან 2015 წლის 7 მაისის ჩათვლით.

6. კონკურსის შედეგები გამოცხადდება 2015 წლის 21 მაისს.

7. საბუთები უნდა იყოს წარმოდგენილი აგრეთვე ელექტრონული ფორმით საბუთების ელექტრონული ვერსია უნდა გაიგზავნოს შემდეგ მისამართზე: info@iliauni.edu.ge

8. კანცელარიას დაევალოს ბრძანების გაცნობა შემდეგი სტრუქტურებისათვის: ბიზნესის სკოლა, ადამიანური რესურსების მართვის სამსახური, ხარისხის უზრუნველყოფის სამსახური.

9. უნივერსიტეტის შესაბამის სამსახურებს დაევალოს ბრძანების განთავსება უნივერსიტეტის საიტზე.

რექტორი



გიგა ზედანია